



DEO OPTIMO MAX.  
UNI ET TRINO,

VIRGINI DEI-PARÆ, ET S. LUÇÆ,  
Orthodoxorum Medicorum Patrono.

BIU Santé  
Médecine  
Paris

QUÆSTIO MEDICA\*,

CARDINALITIIS. DISPUTATIONIBUS,  
*manè discutienda in Scholis Medicorum, die Jovis octavâ mensis Martii,*  
*anno Domini M. DCC. LXXXVII.*

M. HENRICO-JOANNE BAGET, Rei Herbariæ Professore designato, Mi. Achillis-Guillelmi LE BEGUE DE PRESLE, Equitis, Censoris Regii, Doctoris Medici, vices gerente, Doctore Medico, Præsidente.

*An Aër calidus siccus, salubrior?*

I.

MEDICINA curatrix, nulli obsequens, omnibus imperans, ratione & observationibus suffulta, stabilis, inconcussa que probatur existere. Certas leges suas habet & regulas, quibus totus

\* Propugnata, anno 1733, à Gaspare COCHON DU PUY; M. Gabriel-Antoine JAQUES, Præsidente.



subjicitur orbis. Scientia hæc præstantissima circa sanitatem occupata, dum præsentem servat, *ὑγίης* nomine insignitur, vel cum amissam restituit, *επελειτουργία* vocatur. *ὑγίης* summa laus esto. Medicamentum necessitas & usus propter erratum in vitæ ratione. Ter felix ille qui sanus est & benè valet; sorte suâ utatur, nec abutatur. A statu sano qui recedat, in eodem, aut non, vel agrè nec absque fastidio relinquitur.

## I I.

**S**ANITAS in functionum integritate posita est. Dùm adest, actiones homini propriæ faciliè, jucundè & cum quâdam constantiâ fiunt. Omne quod sanitatem conservat præsentem, id tibi salubre vocandum. Res non naturales proprium prophylaxeos objectum. Istud nomen audiunt, eò quòd humani corporis compositionem non ingrediantur. Sex vulgò numerantur; Aër, cibus & potus, somnus & vigilia, motus & quies, excreta & retenta, animi pathemata. Hæc omnia salubria vel insalubria fiunt. Cautio igitur in eorum usu adhibenda; delectus etiam habendus. Has inter Aëris ratio magni momenti. Ab illo indefinenter & necessariò corpus afficitur. Qui calidus & siccus est Aër præ cæteris salubrior. Dotibus ad sanitatem servandam morbosve arcendos is magis præditus est, minoresque noxas infert; talis igitur eligatur vel arte procuretur.

## III.

**L**IQUIDI moles illa corpus nostrum immediatè ambiens, quam inspiratu ducimus, Aëris nomine intelligenda venit. Nul- lum in hâc sensili rerum naturâ fluidum virtutis efficaciam præstantius quàm Aër. Pondere is & elaterio maximè pollèt. Sanitatis & morborum opportunus author Aër si plus aut minus vapore gravior, & morbidis sordibus inquinatior sese in corpus inferat. Nos extra premit undique circumfusus, ac diversimodè pro sui conditione laxat, remollit, densat, constringit. Non modò demersus ille unâ fertur in flumen sanguineum, sed ipsum etiam indefinenter permeat inspiratus & cum eo quoquoersum in penitiorem partium compagem delabitur. In Aëre calido sicco, purpureo vires qui capit ab ortu, felicius perspiratio laudabilis, bona respiratio peragitur. Talis Aër nullo vapore gravior quàm par est suo liberè gaudet elaterio, nec inqui-



natus sanguini labem inurit. Pulmonis indè facilior explicatio, in ejus vasis contenti laticis tritus fortior, divisio major. A pulmone in sinistrum cordis ventriculum, & à corde per aortam in omnes corporis partes sanguinis ejusdem validior impulsus, expeditior circuitus à quo secreciones pendent omnes.

## I V.

**S**ICUT maxima in Aëris delectu tutela sanitatis, ita morborum opportunitas. « Aër non modò externè premens undique, sed per » arterias in profundum corporis penetrans, potest reddere corpus » levius aut gravius: levius, si tenuis & calidus juvando perspira- » tionem; gravius, si crassus & humidus eandem prohibeat. » Si quæras ergò undè ex anni tempestatibus siccitates assiduis imbribus sint salubriores, ratio est quia ubi corpora leviora functiones ejus- cum alacritate fiunt. « Aër frigidus corpora debilia refrigerat, eaque » vincendo, ponderosiora efficit. Humores cogit, densat meatus, » stringit; undè obstructio, exsiccatio, &c. sequuntur. » Si idem nimium sit humidus, laxat, solvit, debilitat fibras; serum auget & indè tussis, peripneumoniæ serosæ, &c. Æstate senes maximè valent, hyeme frequens catharrus senile guttur opprimat. « Austri cum suis col- » lateribus, inquit Hippocrates, calidi sunt & humidi, nubium & » pluviarum parentes. Idem, austrinæ tempestates corpora planè re- » solvunt & humidiora reddunt, tum etiam auditus graves, & ca- » pitis gravitates inducunt, totique corpori in-movendo difficultatem » afferunt. »

*Sanctor.  
Static.  
Sect. 2<sup>a</sup>.*

*Idi Aph. 1.*

*Lib. 3.  
Aph. 3.*

*Aph. 17.*

## V.

**A** peculiari structurâ solidæ corporis partes habent ut influxu fluidi dimoveantur è perpendiculo, ut resiliant, ab Aëre; dum is non sincerus quidem, sed tenuibus quas è sanguinis penu sibi comites habet, particulis intricatus intrâ fibrarum compagem, & intimos subit recessus, ibique coercetur ad motum, si comprimatur, paratissimus. Sic eodem Aëre perfusus sanguis comprimi docilis & rarefcere, jugiter in motus agitur intestinos. Aëris & particularum sanguinis æquabili, in se mutuè potentiâ, nisi que stat hominis vita,



4  
sanitas. Ex dictis suprà patet Aëris frigidi vel humidi noxa & in-  
commoda: è contrariò, calidi sicci dotes eximia, undè conclu-  
ditur;

*Ergo Aër calidus siccus, salubrior.*

Proponebat Parisiis GEORGIUS LANIGAN, Hybernus, Doctor Nanceianus  
necnon Saluberrimæ Facultatis Medicinæ Parisiensis Baccalaureus.

A. R. S. H. 1787. AB OCTAVA AD MERIDIEM.



Typis QUILLAV, Saluberrimæ Facultatis Medicinæ Parisiensis Typographi.